

**Наурузбаев Дархан Мирзабековичтің «8D02201 - Саяси философия»
мамандығы бойынша философия докторы (PhD) дәрежесін алу үшін
дайындаған «Әл-Фараби мен Ж.Баласағұнның саяси философиялық,
әлеуметтік-этикалық ілімдерінің үйлесімділігі» докторлық
диссертацияға ғылыми кеңесшінің**

ПІКІРІ

Диссертациялық зерттеу әл-Фараби мен Жұсіп Баласағұнның саяси-философиялық және әлеуметтік-этикалық ілімдерінің үйлесімділіктерін зерттеуге бағытталған. Тақырыптың өзектілігі қазіргі заманғы қоғамдағы адамгершілік, әділеттілік, мемлекет басқарудағы даналық идеяларының маңыздылығымен тікелей байланысты. Қос ойшылдың еңбектерін талдау арқылы зерттеуші бүгінгі күннің күрделі мәселелеріне философиялық тұрғыдан жауап іздеуді көздейді. Зерттеудің ғылыми маңыздылығы – әл-Фараби мен Жұсіп Баласағұн ілімдерінің арасындағы үйлесімділігін анықтау мен саяси философиялық, әлеуметтік-этикалық ілімдерінің ілімдерінің қазіргі қоғам үшін өзектілігін кешенді түрде жан-жақты талдауы болып табылады. Соңдықтан зерттеу жұмысын отандық философия мен гуманитарлық ғылымдарына қосылған тың үлес деп айтуда негіз бар.

Диссертациялық жұмыс кіріспеден, үш тараудан және қорытындыдан тұрады. Кіріспеде зерттеудің өзектілігі, мақсаты, міндеттері, жаңалығы және әдістемелік негіздері нақты көрсетілген.

Бірінші тарау әл-Фараби мен Жұсіп Баласағұн ілімдерінің қалыптасуының тарихи және социомәдени алғышарттары мен идеялық қайнар көздерін зерттеуге арналған. Әл-Фараби мен Жұсіп Баласағұн еңбектеріндегі негізгі тұжырымдамалар талданып, олардың идеяларының тарихи-мәдени контексті терең ашылған. Ізденуші әл-Фараби мен Жұсіп Баласағұнның ілімдері ислам өркениетінің дамуымен және сол кезеңдегі мәдени-ғылыми өрлеумен байланысты екендігін анықтаған. Әл-Фараби өмір сүрген заманында грек-рим философиясының (әсіресе Аристотель мен Платонның) идеялары мұсылман әлемінде кең таралып, философиялық синтез жасауға негіз болғаны сипатталған. Оның «Қайырымды қала тұрғындарының көзқарастары» еңбегі қоғам мен мемлекетті басқару саласындағы ізгілікті тұжырымдайтын философиялық жүйені ұсынды. Жұсіп Баласағұнның еңбегі де өзіндік тарихи және мәдени алғышарттарға негізделгені анықталған. Оның «Құтадғу білік» шығармасы түркі халқының дәстүрлері мен исламдық этикалық қағидаларды біріктіріп, қоғамның үйлесімді дамуына арналғаны айттылған. Оның көзқарастары көшпелі және отырықшы мәдениеттердің тоғызының нәтижесінде қалыптасқаны көрсетілген. Сонымен қатар әл-Фараби мен Жұсіп Баласағұн ілімдері Шығыс Ренессансы дәуірінде қалыптасқан философиялық ойдың биік шыңы ретінде қарастырылған. Әл-Фараби ислам философиясының универсализмін көрсетсе, Жұсіп Баласағұн түркілік рухани мұраның исламдық құндылықтармен үйлесімдігін дәлелдеді делінген. Ізденуші екі ойшылдың да

идеялары ортағасырлық түркі-исламдық философияның дамуына ерекше ықпал еткенін дәлелдеген.

Екінші тарауда әл-Фараби мен Жұсіп Баласағұнның саяси философиясындағы үйлесімділік идеялары қарастырылған. Зерттеуші қос ойшылдың әділетті қоғам, адамгершілік және білімге негізделген басқару қағидаларына ерекше назар аударған. Ізденуші әл-Фараби мен Жұсіп Баласағұнның саяси философиясы мемлекет пен қоғамды басқаруда әділеттілік, білім және ізгілік қағидаларының маңыздылығын көрсете білген. Ізденуші әл-Фараби әділетті басшының міндегі қоғамды ізгілікке бағыттау екенін айтса, Жұсіп Баласағұн да билеушінің халық алдындағы жауапкершілігін ерекше атап көрсеткендігін анықтаған. Сонымен қатар диссертант қос ойшылдың мемлекетті басқарудағы моральдық-этикалық негіздерді басты құндылықтар ретінде қарастырып, әділеттілікті биліктің іргетасы деген идеясына терең назар аударған.

Үшінші тарау әл-Фараби мен Жұсіп Баласағұн әлеуметтік және этикалық ілімдерінің жалпы және жекелеген үйлесімділіктерін зерттеуге арналған. Ізденуші екі ойшылдың да ізгілік пен бақыт туралы ілімдері де үқсас екендігін көрсеткен. Әл-Фараби бақытқа жетуді адамның ең жоғары мақсаты деп есептеп, оған білім мен даналық арқылы қол жеткізуғе болатынын дәлелдеді деген. Жұсіп Баласағұн бақытқа жетуді әділеттілікпен, рухани үйлесіммен байланыстырып, оны жеке тұлғаның да, қоғамның да жетілуінің көрсеткіші ретінде қарастырғанын анықтаған. Сонымен қатар, ізденуші қос ойшылдың ізгілік этикасы туралы ілімдерінде адамгершілік пен әділеттілікті адамның негізгі қасиеттері ретінде бағалағанын анықтаған. Олардың ағартушылық идеялары да ортақ – білім мен ғылымды қоғамның дамуының негізі деп санайды деп қорытындылаған. Сонымен қатар, бұл тарауда ізденуші қос ойшылдың идеяларын заманауи kontekste қолдану мүмкіндіктерін саралаған.

Зерттеу жұмысы алғашқы зерттеулердің қатарында әл-Фараби мен Жұсіп Баласағұнның саяси-философиялық және әлеуметтік-этикалық ілімдерінің үйлесімділіктерін философиялық түрғыдан жан-жақты талдаған. Сонымен қатар, ізденуші ортағасырлық философиялық мұраның қазіргі заманғы қоғамдағы басқару және этика мәселелерін шешуге ықпал ететін әлеуетін көрсете білген. Сондай-ақ, зерттеуде герменевтикалық, тарихи-салыстырмалы және жүйелік талдау әдістері қолданылған. Осы әдістердің үйлесімділігі диссертациялық жұмыстың ғылыми құндылығын арттыра түскен.


Докторанттың зерттеу тақырыбына терең үңіліп, ғылыми түрғыдан дәлелденген нәтижелерге қол жеткізгенін атап өткім келеді. Жұмыста әл-Фараби мен Жұсіп Баласағұнның ілімдері терең салыстырмалы түрде талданып, үйлесімділіктері терең анықталған және қазіргі заман үшін өзектілігі нақты көрсетілген. Диссертант ғылыми ізденіс жұмыстары барысында ізденушіге тән ұқыптылық, еңбеккорлық, академиялық адалдық сияқты қасиеттерді көрсете білді. Ізденуші философия докторы (PhD) бағдарламасы бойынша талаптардың барлығын табысты жүзеге асырды.

Шетелдік кеңесші профессор Суат Колукирик ұстаздық ететін Акдениз университетінде ғылыми тағылымдаудан өтіп, аталған университеттің кітапханасында диссертацияға қажетті материалдар жинады.

Диссертациялық жұмыстың ғылыми нәтижелері ғылыми-практикалық конференцияларда, ғылыми басылымдарды жарияланды. Зерттеу тақырыбы бойынша 6 мақала жарық көрді. Оның ішінде КР ФЖБМ Ғылым және жоғары білім саласында сапаны қамтамасыз ету комитеті ұсынған журналдарда – 3 («Адам әлемі», «Әл-Фараби», «ҚазҰУ Хабаршысы»); ғылыми практикалық конференцияларда – 2, Scopus журналдар базасына кіретін «RUDN. Journal of Philosophy» журналында 1 мақала жарияланды. Сонымен қатар бірнеше ғылыми, ғылыми-практикалық конференцияларда диссертация тақырыбы бойынша баяндама жасады.

Корытындылай келе, зерттеу жұмысы жоғары ғылыми деңгейде дайындалған. Ізденушінің еңбегі ортағасырлық философиялық ілімдердің заманауи мәселелерді шешудегі маңыздылығын көрсетуге бағытталған күнды зерттеу болып табылады. Сондықтан, бұл диссертациялық жұмысты «8D02201 – Саяси философия» мамандығы бойынша философия докторы (PhD) дәрежесін алу үшін қорғауға ұсынамын.

**Ғылыми кеңесші,
философия ғылымдарының докторы,
әл-Фараби атындағы ҚазҰУ философия
кафедрасының профессоры**



Алтаев Ж.А.

Колын растаймын!
Подпись заверяю:

